

'ի Գաղա', ուր նստէր Բղէշիւն . և չգտեալ օգնութիւն ինչ 'ի նմանէ՝ իջին 'ի Յոգայէ , և 'ի 22 Յունիսի նաւեցին աւտի , և 2 Օգոստոս հասին 'ի Կոստանդինուպօլիս . և յետ դեգերելոյ այսր և անգր , որոշեցին փոյթ տանել շահել ըստ բաւականին զսիրտ Բղէշիւն Գաղայի , եւ տալ զոր խնդրէրն , զի մի խալառ կորուսցեն զամենայնն . մանաւանդ զՍ . Տեղիս , զորս միւսանգամ շահիլն չէին բաւական բիւրաւոր քսակք դրամոց , որպէս զխորձ առեալ էին Լատին կրօնաւորք , յուսալով վերստին 'ի ձեռս բերել զվանքն զՍիոն , որոյ վտան ազաչեցին զթագաւորն Գաղղիոյ . և նա առաքեաց դեսպանս 'ի Դուռն մեծամեծ պատարագօք . այլ չեղեւ հնար չրջել զմիտս թագաւորին Օսմանցոց . զի ասէր նա՝ եթէ թագաւորն Գաղղիոյ տացէ հրաման կանգնել մղկիթս 'ի Փարիզ և 'ի Հոռո՛ , յայնժամ և ես տաց ձեզ զլեառն Սիոն :

Եւ տեսեալ նորա թէ Նղիազար վարդապետ Անթապցի յաջողակէ 'ի գործս և փարթամ ընչիւք , դիմեաց առ նա և ազաչեաց ձեռնառու լինիլ ինքեան դրամովք և աշխատութեամբ , և խոստացաւ առնել զնա իւր փոխանորդ , և ապա նաեւ յաջորդ Պատրիարքութեան , թէպէտ Աստուածատուր զփոխանորդութիւն Նղիազարու մուրհակաւ հաստատեաց 'ի դատարանի , այլ ոմանք 'ի միաբանաց ոչ ընկալան զայն՝ և ոչ յանձն առին յանձնել նմա զիրս վանաց , մինչեւ հարկ լինիլ Նղիազարու ինքնին մատուցանել զիր ազաչանաց 'ի Դուռն եւ հրովարտակաւ հաստատել զայն , որով բարձաւ ընդդիմութիւնն . և 'ի ժամանել նորա յերուսաղէմ , յանձն արարին զյանձանցանս վանաց Ս . Յակոբայ : Աստուածատուր Պատրիարք յետ առնլոյ զհաւանութիւն յնղիազարէ , գնաց նովաւ հանդերձ առ Ռուհիջան Հայ իշխան Վանեցի , որ նստէր յայնժամ 'ի Կոստանդինուպօլիս , և էր գործակից տեղակալաց Պատրիարքութեան . և ձեռամբ նորա մատոյց զիր ազաչանաց առ Եպարքոսն , Պոյնի Էյրի Մեհէմէտ Փաշայ : Քննեցան յԱրքունի դիւանին արձանագրութիւնք առաջին հրովարտակաց տուեալ Հայոց . գտին զհրովարտակա Սէլիմայ առաջնոյ և որդւոյ նորին Սիւլէյմանայ , զանց արարեալ զայլովք . զի 'ի նոսին գրեալ էին Հապէշք , Գպտիք և Ասորիք հետեւողք Հայոց ,